


Cá bhfuil Cóilín?



Bridín Nic Uiginn
Steve Simpson a mhaisigh

Sraith 'Cóilín Coinín' leabhairín 1

Ba mhaith le Cóilín dul amach
sa domhan mór ach cheap a
mháthair go raibh sé ró-óg.



 AN GUM

‘Ba mhaith liom dul amach sa
domhan mór,’ arsa Cóilín Coinín
lena mháthair lá.
‘Tá tú ró-óg fós,’ ar sise leis.
‘Caitheadh tú fanacht anseo
tamallín agus aire a thabhairt do
do dheirfiúirín.’
Agus amach an doras léi.



Cóilín bocht! Ní mó ná sásta a bhí sé.
'Ba mhaith liom dul amach sa
domhan mór,' ar seisean. 'Ach dúirt
Mamaí liom go bhfuilim ró-óg. Is
fada liom go mbeidh mé mór.'

Is fada liom go mbeidh mé mór.



Nuair a bhí a dheirfiúirín ina
codladh siúd le Cóilín amach
as an gcoinicéar.

Is é a bhí breá sásta leis féin.


‘Tá mé amuigh sa domhan mór,’
ar seisean agus síos an bóthar leis.

Chonaic Cóilín féileacáin agus
chonaic sé éin. Chonaic sé beacha
agus chonaic sé bláthanna.

‘Is maith liom an domhan mór,’
ar seisean.




Is maith liom an domhan mór!




Ansin chonaic Cóilín garraí. Bhí
cairéid agus tornapaí agus leitís
ag fás sa gharraí.
'Ó!' arsa Cóilín. 'Is maith liomsa
cairéid.'

Isteach sa gharraí leis agus
thosaigh sé ag ithe.
'Tá na cairéid seo breá blasta,'
arsa Cóilín.



Tar éis tamaill bhuail tuirse é.
'Táim tuirseach,' ar seisean.
Luigh sé siar agus dhún sé a shúile.
Níorbh fhada go raibh sé
ina chodladh go sámh.



Tamall ina dhiaidh sin dhúsigh
Cólín de phreab. Bhí duine éigin
ag teacht! Léim sé ina sheasamh.

Cé a bheadh ann ach an feirmeoir.
'Bailigh leat, a bhithiúnaigh! Bailigh
leat!' arsa an feirmeoir de bhéic.


Bailigh leat, a bhithiúnaigh!




Rith Cóilín. Rith an feirmeoir
ina dhiaidh.

'Bailigh leat, a bhithiúnaigh! Bailigh
leat!' arsa an feirmeoir arís leis.

Bhí a chroí ina bhéal ag Cóilín
bocht. Rith sé agus rith sé agus an
feirmeoir ina dhiaidh. Ach ansin
chuala sé glór eile. Glór deas séimh.
'Tar anseo, a Chóilín. Tabharfaidh
mise aire duit,' arsa an glór.



Cé a bheadh ann ach Caoimhe
Coinín. Rug Caoimhe ar Chóilín
agus thug sí isteach ina coinicéar
féin é. Bhí sé slán sábháilte!







Bhí sé dorcha nuair a tháinig
máthair Chóilín abhaile.

‘Cá bhfuil tú, a Chóilín? Cá bhfuil
tú?’ ar sise.

Ach ní raibh tásc ná tuairisc
ar Chóilín.

Rith máthair Chóilín amach ar an
mbóthar agus a croí ina béal aici.
‘Cá bhfuil tú, a Chóilín? Cá bhfuil
tú?’ ar sise.
Ach tásc ná tuairisc ní raibh
ar Chóilín.







Rith máthair Chóilín isteach sa
gharraí agus a croí ina béal aici.
‘Cá bhfuil tú, a Chóilín? Cá bhfuil
tú?’ ar sise.

Is ansin a chuala sí an glór. Glór
deas séimh.
‘Tá sé anseo in éineacht liomsa,’
arsa an glór.

Tá sé anseo in éineacht liomsa.



Nuair a chonaic Cóilín a mháthair
thosaigh sé ag caoineadh.
'Ná bí ag caoineadh, a stór,' arsa
Caoimhe leis. 'Tá do mhamai anseo
anois agus tá tú slán sábháilte.'



‘Cá raibh tú, a stór? Cá raibh tú?’
a d’fhiafraigh a mháthair de Chóilín.
D’inis sé an scéal ó thús deireadh di.
‘Ní maith liom an domhan mór,
a Mhamá,’ ar seisean. ‘Ná ní maith
liom an feirmeoir.’


Ní maith liom an feirmeoir.



‘Is maith an rud é go raibh tusa anseo le haire a thabhairt dó,’ arsa máthair Chóilín le Caoimhe. ‘Tá sé ró-óg le bheith amuigh sa domhan mór.’
‘Tá,’ arsa Caoimhe. ‘I bhfad ró-óg.’



Bhí Cóilín breá sásta leis féin. ‘Táim slán sábháilte anois,’ ar sé. ‘Go raibh maith agat, a Chaomhe.’
‘Muide, tá fáilte romhat, a stór,’ arsa Caoimhe.





‘Nach bhfuil sé in am againn
a bheith ag dul abhaile anois?’ arsa
a mháthair le Cóilín tar éis tamaill.

‘Tá,’ arsa Cóilín. ‘Ní maith liom
an domhan mór. Ná ní maith liom
an feirmeoir.’

D’imigh Cóilín agus a mháthair
abhaile agus iad breá sásta
leo féin.